



DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ

Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,
manè discutienda, in Scholis Medicorum, die Mercurii septimo
mensis Decembris, anno Domini M. DCC. XLVI.

M. STEPHANO POURFOUR DU PETIT,
Doctore Medico, Præsîde.

An pro diversis à conceptu temporibus, varia nutritionis Fætûs via?

I.



OT inter animantium genera, quid homine perfectius, quid præstantius? Solus homo os sublime tollit, cælumque tueri iussus, cæteris animantibus imperat: totus tamen inconspicuo ferè lætuit ovulo, totus ex insensibili liquoris guttulâ duxit originem. Magni fanè momenti arcanum, quod etiamnum hodiè forsan lateret, nisi abstrusam & quasi no-

lentem in ipso actu naturam occupasset Graæus, observationibusque ani-

A

malium generationem illustrasset sagax indagator Malpighius. Hinc nutritioni & accretioni fœtus nova lux affulsit. Concipit mulier, (a) aurâ seminali fœcundatum intumescit ovulum, fit turbidus contentus liquor, nebulam in medio representat: hæc prima vitæ incipientis indicia. Paulò post expellitur ovum ex ovario, per tubam labitur in uterum, liquoris nebula minimum refert embryonem, (formicam diceret,) placentæ rudimentis tenellus hæret embryo. Crescit homuncio, liquori semper innatans; ovumque totam adimplens uteri capacitatem, ipsi, mediante placenta, incipit adhærere. Interim fœtus ampliatur, fit singularum ipsius partium explicatio. Primum (b) sub puncti specie, annexum carinæ, trepidans cor solum apparebat; ex hoc irriguo fonte hinc & inde divergunt rivuli, pulsant arteriæ. Succedit vesicula triplex, triplicis ventris rudimentum: in hoc tenui trunco quatuor prominent particule, superiores duæ, totidem inferiores, è quibus paulatim crescentibus & evolutis, nascuntur compingunturque extremitates. Jam totus perficitur fœtus, sed mollis & velut ex gelatinâ concretus. Temporis lapsu augentur partes atque roborantur, & circâ nonum à conceptu mensem exclusioni fit maturus infans. Tunc angustioris carceris impatiens, tum suis, tum matris conaminibus, in lucem, novus aëris hospes, erumpit. Sic crescit in utero fœtus: sic à primordio vix aspectabili ad duodecim aut quindecim librarum pondus provehitur. Portentosum incrementum, quod quidem nullo concipies modo, nisi ad embryonem plurimis viis ingentem affluere succi nutritii copiam agnoscas.

(a) Regnerus de Graaf, de mulierum organis. Cap. XIV. & XVI.

(b) Malpighius, de ovo incubato, & de formatione pulli in ovo.

Guillelm. Harvey, Exercitat. de generatione animalium, quartâ & quintâ ovi inspectione.

I I.

UTERO matris fœtum adnecat funiculus longus, inflexus, & inæqualis. Hunc efformat duplex vasorum genus: gemina scilicet arteria ex iliâcis fœtus oriunda, & unica multò capaciore vena, quæ ad portam venam tendit. Spirali serpunt hæc vasa reptat, nunquam tamen inordinatè commixta; hæc enim in situ continet, & à se invicem sejungit spongiosum veluti corpus, (a) quo semper & undiquè concluduntur. Ludunt multiplici divisione, iteratæque anastomosi, tum venæ, tum arteriarum extrema, massamque inde constituunt placentam à similitudine dictam. Hanc enim totam innumeris constare vasis detexit, vir si quis unquam in Anatomia insignis, Rhuyfchius. Ejusdem ope arduissimum est fœtum inter & matrem commercium, non ita tamen immediatum, ut intrâ placentam & uteri parietes media non interjaceat membrana à plurimis observata (b). Non ergò placenta jungitur utero vasorum anastom.

(a) Rohaltius Act. Acad. R. Sc. 1714, pag. 312.

(b) Rhuyf. Thes. 2. pag. 54.

Vicussens, nov. System. vasor.

Jul. Cæs. Arantius, libelli de fœtu humano, pag. 54.

Le Fevre, Tom. II. pag. 182. & alii plurimi possim.

moſi : hoc indicat ratio , probant experimenta. Fa&â nimirum liquoris inje&ione in vafa cadaveris materni , dum utero hæret adhuc embryo , nulla ne minima quidem tranſit ad fœtum aut placentam liquoris inje&ti guttula (*a*) : repletis inje&to liquore fœtus arteriis umbilicalibus , tranſit ad placentam liquor , ſed totus per venam congenerem ad fœtum regreditur (*b*). At inje&ione quid opus ; placentam extractam confidera , prudenti manu comprime , illaſam modò pertractes , ne minimam quidem ſanguinis guttam ex illius ſuperficie potes elicere. Valeant igitur quæcumque ad probandam anatoſomom ſim vel incurioſè facta , vel temerè relata ja&titantur experimenta : hæc , qualiacumque videantur , ruinoſo fragilique inniti fundamento probavit vir omni doctrinarum genere clarus , veritatis amore longè clarior (*c*). Reverà poſt evulſionem placentæ fluit ab utero ſanguis : ſed placentæ ſuperficie altis exarata fulcis , teneriori inſculpta eſt uteri ſubſtantia ; quid mirum ergò a&ctum hæc inſer-tione conſtitui nexum , vix ſine molliorum uteri valorum ruptione , diſ-jungendum. Nec tamen indè inferas inutile eſſe placentam , imò mul-tis inſervit uſibus planèque diverſis. Ut enim taceam hujus ope fœtum cum matre conjungi , umbilicaliumque valorum fulciri ramificationes , ſuc-cum ex utero in fœtus nutrimentum devehit.

(*a*) Fred. Hoffmanni opera , Tom. I. pag. 79.

(*b*) Le Fevre opera , Tom. II. pag. 184.

(*c*) Clor. D. Falconet , in Theſi anni 1711 , an fœtus ſanguis maternus alimento ? Non ergò , &c.

III.

UNA eadèque hominis natura , ſivè intrà matris uterum , ſivè ex-trà , vitam degat : nutritionis eadè cauſa , mechanismus idem. Si-cut ergò adulti nutritioni ſanguis non inſervit , ſed blanda & gelatino-ſa lymphà è ſanguine ſecreta , ſic & in fœtu : ſola lymphà , delibatus il-le ſanguinis ſlos , requiſitis ad deperditi reparationem dotibus pollet ; ſo-la tenuitate partibus inferi , viſcoſitate iis adhærere , diſſatà fluidiori par-te iis concreſcere poteſt : hæc in adulto , cur non in fœtu ? Faciſſant igitur opinionones quibus ſanguini materno nutritio fœtus aſſignatur. Nùm ſanguinis adulti tenacitatem tenella embryonis viſcera poſſent edomare ? Nùm amicum ex illo rorem tantà copia ſecernere ? Prudentior certè natura , quæ præparatam digeſtamque materiam ſedulò nutritioni fœtus aſſervavit. Primitus quidem inerat ſuus ovo liquor , ſed tunc minimum ovulum , parva liquoris quantitas. Cùm igitur continuo amnii lymphæ pabulo creſcat ovum , brevi deficeret ille liquor , niſi ab utero indefi-nenter ſuppeditaretur. Internam itaqùè ſuperficiem uteri adornant con-textu multiplici tùm arteriæ , tùm ſine valvulis venæ. Ex arteriarum ca-pillamentis ſpecies emergit altera vaſorum , quæ oculis vix pervia (*a*) ,

(*a*) Hæc vafa tomenti ſpeciem efficiunt ſuprà ſuperficiem internam uteri , & ſunt à genere novorum Lymphaticorum , quæ perſpicaciſſimus in rebus anatomicis demon-ſtravit celeb. Ferreiſus , Ad. Acad. Sc. R. 1741 , pag. 375 & 377.

gravitatis tempore, albicante succo turgidula, manifestè apparent. Stillant hæc vasa suis secretum colis liquorem lacteum, qui tum per poros membranarum ovi sese insinuans, tum absorbentibus placenta vasis receptus, in foetus nutrimentum asservatur. Hic est blandus ille liquor lymphatico-lacteus, cui innatat ovo conclusus embryo. Is amnio contentus, albumini gallinacei ovi similis, calore concrefcens, qualitates omnes, quæ requiruntur ad nutritionem, obtinet. Nec tibi mirum videatur è corpore materno tantam alimentitii succi fecerni quantitatem: si enim præsentem matris statum consideres, huic secretioni favent omnia. Graviditatis tempore supprimuntur menstrua, succis redundat maternum corpus, adest plethora: ad loca minùs resistentia fit humorum derivatio, turgescunt lacte divites mammae, in ampliatis uteri vasis coacervatur liquor lacteus. In utero igitur, primariâ foetus mammâ, sine ullo matris incommodo, imò summo ipsius levamine, facillimè fiet tanta secretio. At quomodo perveniet ad foetum copiosum illud alimentum? Ubiquè prostant viæ: laxi patent cutis pori, naturale per os iter, per umbilicalia vasa facile.

I V.

TRIPLEX sub aspectu foetus in utero potest considerari. Aut enim fluctuat adhuc ovum, nec dum utero adhæret; aut adhærente jam placenta, imperfecta remanent viscera; aut tandem perfectis visceribus, sola desideratur accretio. Hæc tria veluti stadia totum gestationis complectuntur tempus, hæc diversam offerunt viam quâ nutriatur embryo. *Primis* à conceptu temporibus ovum utero receptum, ibi fluctuat; intereà benigno rore perfunditur, nutritio succo totum intumescit. Sic, dato signo, novi hospitis nutrimento natura prudens allaborat. Inutilis tamen naturæ labor, ni præparatum embryo sumere possit alimentum. Placenta utero non adnectitur, quippè quæ vix ac ne vix quidem apparet; rudis est adhuc indigestusque foetus, os nullum est, vis deficit ventriculo, nulla viscera sunt saltem perfecta. Neque igitur per os, neque per placentam fiet nutritio. Quânam ergò viâ? Nullam sanè reperies, nisi liquore quem continet ovum per mollioris & ferè diffuentis corpusculi poros sese sensim insinuante, foetum ali fatearis. Hæc unica suppetit via, hanc neges, nullam admittas. Sic ergo primo gestationis tempore per poros nutritur embryo. At paulatim crescit placenta, perficitur, adhærescit utero. En stadium alterum, nova nutritionis via. Secretum enim in uteri colatorii succum absorbentia recipiunt placenta vascula; huncque jam in materno corpore subactum & elaboratum, continuò sed parè recipit copiosus ille sanguinis larex, qui per venam umbilicalem ad foetum regrediebatur. Sic apparatu locuplete reparatur virium ex embryonis parte defectus. Nutritia enim lymphæ, jam digesta, ulteriùs per artas exilesque venæ umbilicalis radicales agitur, ita ut attenuata & intimè sanguini compmixta perveniat ad foetum. Sanguis ergò, quem pauperem & exsuccum deduxerant ad placentam umbilicales arteriæ, nunc alimentosa materiâ dives, per venam congenerem redit: hujus ideo major quàm arteriæ utriusque, imò quàm cæterarum corporis venarum respectu correspondentium arteriarum capacitas, quæ ma-

teriam alimenti cum sanguine per arterias adveſto referret (a). Grandior itaque fœtus, per umbilicum alimentum recipit blandum, gelatinofum, uno verbo tenellæ corporis compagi apprime reſpondens. Id abundè demonſtrat placentæ umbilicaliſque funiculi præſentia, & uteri parietibus, alioquin inutilis, agglutinatio. Quis enim hancce partem pulmonis adimplere vices, hodiè veller aſſeverare? Nec minùs interea amnii lymphæ innatæ homuncio, eadẽ quibus perficiebatur abſorptio per poros, perſeverant cauſæ. In balneo corporis adulti robuſta compages pondere creſcit & augetur. Quàmam de cauſâ? Quia nempe humiditatis aliquid ſtriſtos aliundè poros permeat. In ſubterraneis humidifſe locis dormiat homo, abſorptâ per poros aëris humiditate graveſcit corpus. Quomodò igitur, liquido fœtus ſemper innatans, per patentẽ mollioris corpusculi poros humorem non admitteret. Quot in adulti craſſiore cute indefeſſus obſervator Lewenhoeckius poros detexit? Numera ſi poſſis: idẽ in teneriore fœtis compage. Per umbilicum itaque, ſimul & patentia totius corporis oſcula beneficus & alimentarius ros inſinuabitur. Utriuſque nutrimentum accipiendi viæ connubium comprobat miranda hæc & tam ſubita fœtus accretio. At ultimo geſtationis tempore, perfectò fœtu, minuius tamen, perfectæ pariter omnia corpusculi vifcera labori per totam vitæ ſeriem continuando paulatim debent aſſueſcere. Liquorem igitur alimentofum amnii fœtus per os abſorbet, deglutit, in ventriculo digerit, perſicit in inteſtinis: indè poſt tranſitum per lactea vaſa, thoracicumque canalem puriſſima & detracatiſſima pars ſanguini miſcetur, ſubigitur, elaboratur, viribuſque viſcerum Hæmathopoieticorum in verum ſanguinem convertitur. Difficilis certè tantus labor, ſi viſcerum debilitatem ſpectes; ſi materiæ jam ſerè digeſtæ anteaſtam conſideres elaborationem, multò facilior. Nec magnum nutritionis opus hæc, quam aſſignamus, via totum ſola ſuſtinet; comites ipſi natura prudenter adjunxit. Nam pororum corporis alimenta ſubminiſtrantium munere non interrupto, ſit etiam per umbilicum nutritionis acceſſio. Itaque triplici è fonte, quo fœtus alimentum recipit in utero, primis à conceptu temporibus unicus eſt, alter ipſi deindè adjungitur, poſtremò tertius. Nec tantus inutilis apparatus. Portenſoſum vixque credibile fœtus incrementum uberiorem, ipſo creſcente, requirebat nutritii fucci copiam, quæ forſan unicâ viâ non potuiſſet afferri. Imò indè futuri hominis conſervationi natura benignè conſuluit. Si enim unica, adeſſet nutritionis via, hæc intercluſâ, actum eſſet de fœtu; verum ubi plures adſunt, deficientis muneris altera ſuccedit vicaria, ejuſque partes ſuſcipit. Clauiſo & imperforato ore quandoquẽ naſcuntur infantes, ut de Fracaſtorio Medico & Poëtâ celeberrimo reſert Jul. Scaliger,

Os Fracaſtorio naſcenti deſuit, ergò

Sedulus attentâ finxit Apollo manu.

Nec deſunt exempla umbilicalis funiculi ſuppurati, corrupti (b), aut

(a) Juxta calculum D. Rohault in Aët. Acad. R. Sc. 1714, pag. 376, capacitas venæ umbilicalis eſt ad capacitatem duarum arteriarum ſimul ſumptarum ut $\frac{4}{5}$.

(b) Fred. Hoffm. Diſſert. de pinguedine, pag. 10.

nodis constricti (a). Quānam ergo viā fœtus alimentum percipere potuisset, factā in priore casu per os solum, in altero per solum funiculum, nutritione. Quis igitur non miretur summam supremi numinis providentiam, quæ pro diversâ fœtus ætate ipsius salutis variis consuluit viis, prout crescendo copiosiori egeret alimento?

(a) Petit, Act. Acad. R. Sc. 1718, pag. 40.

V.

MIRANDA quidem videtur multiplex illa via, quā nutriatur in utero fœtus; fateor: nūm indè rejicienda? Nequaquam. Satis superque probatur inhibiti per poros, stat inconcussa nutritio per umbilicum. Hæc quidem concedis, verū tuā sententiā erit impossibile, ut per os nutritio fiat. Cur ergo? Nūm quia dum in utero clausus remanet, respirando inhabilis est fœtus? Ultimum hoc concedimus, sed ad deglutitionem necessaria non est respiratio, sola requiritur linguæ musculorumque Pharyngis actio. Dubitas: adultum considera, temetipsum explora; deglutis, nec inspiras, nec expiras, stat pulmo, feriantur omnia respirationis organa. Indè factam imprudenter tempore deglutitionis inspirationem, periculossimam esse quotidiana docent exempla. Sic enim, intromissa per glottidem minimā potienti guttulā, quanta totius machinæ subversio! Anhelitus, tussis, suffocatio, mors ipsa. Instas: at plures observati sunt fœtus ore, naribus, imò toto capite privati, obesi tamen & maturi sub auras prodierunt. Cur non? Triplicem diximus nutritionis esse viam, poros, funiculum, & os; unā deficiente aliæ vices suppleant. At verò, inquires, natura nihil agit frustra, mira est ubique ejus simplicitas, ad quid ergo tot viæ, ubi unica sufficit? Nonnè summo rerum Opifici leges vis præscribere, atque Omnipotentis consilia mentis tuæ angustiis metiri? Superflua sanè tibi videbuntur innumera penè quæ ex nonnullis plantis oriuntur grana. Tibi vel leviter attendenti facile pateret tantam edi granorum copiam, ut maximo eorum numero pereunte, plantarum species nihilominus superstitēs remaneant. At posito quòd nulla per os nutritio fiat, cū juxta certam legem collapsu coarctentur, imò sæpius coalescant singulæ corporis cavitates, nisi liquido distendantur, quomodo ventriculi intestinorumque parietes non coalescent? Sic in recens nato naturalis fit obturatio canalīs arteriosi venosique ductūs; sic in statu morbofo variæ sæpius cavitates evanescunt. Quin & si fœtus nihil per os assumeret alimenti, undenam in ipsius œsophago & ventriculo reperiretur humor amnii liquori similis? undenam mæconii in intestinis aggestio? Nūm à depluente ex ventriculi intestinorumque parietibus lymphā, quæ purissima & quantitate pauca, nunquam tot fœcibus originem dare posset? Rectius certè dixerat Hippocrates, quòd puer feces non haberet, nisi in utero alimentum per OS traxisset (a). Quæ omnia inconcussâ clariss. Heisteri confirmantur observatione (b). Accepit nimirum ille fœtum ruc-

(a) Lib. de nar. pueri.

(b) Heist. Compend. Anatom. Tom. II. pag. 87.

cinum perfectum, utero & membranis suis adhuc inclusum; tempore hyemali frigido, ubi non solum liquor amnii qui foetum ambit congelatus erat, verum idem liquor congelatus, per os, totum *Esophagum*, & *ventriculum*, tanquam unum continuum corpus, reperiebatur. Constat ergo nutritionem, quæ primùm solâ imbibitione fiebat, oris ope accipi, saltem cùm partes magis evolutæ prodire incipiunt. Nec superius allata soli propria sunt foetui. Natura ubiquè eadem, à se non dissidet. Plantæ semen, quod ovulum est, attentè consideres velim. Dum mollito ac subactò gremio terræ tanquam utero excipitur, primò tepefactum molli vaporis halitu, per cuticulæ poros terræ succum accipit, germenque imbibitione nutritur. Prodit deindè radícula, quâ veluti placenta terræ adhæret, succumque trahit; atque hæc est nutritio per umbilicum. At ex illo jam tempore, suprà terræ superficiem prima apparent foliola, quæ aeris rorem quasi per os, quodammodò deglutiunt. Quæ quidem comparatio eò rectius instituta est, quoddà quemadmodum foetus, cùm jam certum attingit perfectionis gradum, duplici imò triplici viâ nutriatur, sic & plantæ germen. Ut ergo prius ratione & experimentis, sic ex analogiâ nunc concludere pronum est.

Ergò pro diversis à conceptu temporibus, varia nutritionis Fætûs via.

DOMINI DOCTORES DISPUTATURI.

M. Carolus Dionis.
M. Gedson de Rabours.

M. Joannes Midy.
M. Joannes-Jacobus Belleteste,
Chirurgiæ Professor.

M. Thomas-Renatus Gafnier.
M. Philippus Davier de Bre-
ville, Dotariæ Hispaniarum
Regine, dum viveret, Me-
dicus ordinarius.

M. Laurentius Ferret.

M. Michael-Philippus Bouvart,
è Regiâ scientiarum Acade-
miâ, & Scholarum Professor.

M. Guilielmus de Magny.

Proponebat Parisiis STEPHANUS-LUDOVICUS
GEOFFROY, Parisinus, Saluberrimæ Facultatis Me-
dicinæ Parisiensis Baccalaureus, A. R. S. H. 1746, à sextâ ad
meridiem.